

Қадарнинг бари хайр!



13:20 / 20.04.2022 6584

«Кеча кечкурун дўстим Мустафо Маҳмуднинг таржимаи ҳолини ўқидим. Дўстим деганимдан ажабланма. Дўст бўлиш учун албатта учрашиш шарт эмас. Дунёда шунақа кишилар борки, агар улар билан учрашсанг албатта дўст бўлган бўлар эдинг.

Мустафо Маҳмуд тиббиёт университетида ўқиб юрган пайтларда инсонни ёриб кўришга қизиқиши зўр бўлган. У яримта жасад сотиб олиб уни айнимаслиги учун формальдегид билан каравати остига қўяди. У формальдегиднинг ҳидидан узоқ нафас олиш ўпкага катта зарар етказишини билмас эди.

Уч йилдан сўнг унинг ўпкалари зарарланди. Сўнгра уч йил кичкина бир хонада бемор ўлароқ ётди. Бу орада университетга бора олмади. Тенгдошлари университетни битириб чиқиб кетишди. У хонасида қамалиб

қолаверди. Университетни битирмагани учун у ўзини бахтсиз ҳисоблар эди. Унга ўқишдан бошқа ҳамма иш ман қилинган эди.

У бемор бўлиб ётган муддатда тўрт мингта китоб ўқиди. Мусибатлар ариганидан сўнг аён бўлдики, мана шу беморликда ўтган вақти унинг энг гўзал вақти бўлган экан. Бу Аллоҳнинг амри билан бўлган эди.

Аллоҳ таоло бизга лутфини гоҳида мусибат ўлароқ юборар экан. Агар мана шу мусибат бўлмаганида эҳтимол Мустафо Маҳмуд оддий шифокор бўлармиди?! Уни ҳеч ким танимасдан ўлиб кетармиди балки?!

Аммо илм ва иймон дастурининг соҳиби бўлмиш Аллоҳ таоло уни Ўзи тарбия қилишни ирода қилди.

Агар қамоқ бўлмаганида Юсуф алайҳиссалом Мисрга бош бўла олмас эдилар.

Агар фарзандини сўйиш имтиҳони бўлмаганида Иброҳим алайҳиссалом Ҳалилуллоҳ бўла олмас эдилар.

Агар эрсиз фарзанд туғиш имтиҳони бўлмаганида сиддиқа Марям онамизнинг номлари Қуръонда абадий тиловат қилинмас эди.

Бандаларини кўтариш учун балолантирган Аллоҳ покдир!

Мусо алайҳиссалом ва Хизр алайҳиссалом қиссаларидаги ёш болани Хизр алайҳиссалом қатл қилишлари Аллоҳнинг лутфи эди. Зеро у катта мусибатдан қутқариш учун кичкина мусибатга дучор қилади.

Эҳтимол сен Расулуллоҳ соллаллоҳу алайҳи васалламнинг Маккани ташлаб юрак-бағирлари эзилиб чиқиб кетаётганларини кўрганингда қалбинг парча-парча бўлар эди. Аммо ҳижрат бўлмаганида Мадинада Ислому давлати барпо бўлмас эди.

Фироқ кўз ёшлари бўлмагани фатҳнинг иззати бўлмас эди»!

Адҳам Шарқовий